

Na osnovu člana 49. Zakona o organizaciji organa uprave u Federaciji BiH („Službene novine Federacije BiH“ broj: 35/05) i člana 39. Statuta Općine Velika Kladuša „Službeni glasnik Općine Velika Kladuša“ broj 12/11), Općinsko vijeće Općine Velika Kladuša, na prijedlog Općinskog načelnika, na svojoj _____ redovnoj sjednici, održanoj _____.2023. godine, donijelo je;

ODLUKU O OSNIVANJU STRUČNE SLUŽBE OPĆINSKOG VIJEĆA OPĆINE VELIKA KLADUŠA

I OPĆE ODREDBE

Član 1.

Ovom Odlukom osniva se Stručna služba Općinskog vijeća Općine Velika Kladuša (u daljnjem tekstu: Stručna služba), uređuje se njezin djelokrug rada, rukovođenje Stručnom službom, kao i druga pitanja od značaja za rad i funkcionisanje Stručne službe.

II DJELOKRUG RADA

Član 3.

(1) Stručna služba obavlja stručno-operativne, administrativno-tehničke i druge poslove koji se odnose na rad Općinskog vijeća i radnih tijela Općinskog vijeća, a naročito poslove koji se odnose na:

- a) pripremu programa i planova rada Općinskog vijeća i praćenje njihovog izvršenja,
- b) saradnju sa službama općinskog organa uprave Općine Velika Kladuša na pripremanju materijala iz njihovog djelokruga koji se razmatraju ili donose na sjednicama Općinskog vijeća,
- c) pripremanje i sazivanje sjednica Općinskog vijeća,
- d) prikupljanje i obradu dokumentacionih materijal i podataka potrebnih za rad Općinskog vijeća,
- e) evidentiranje i čuvanje izvornika tj. originalnih općinskih propisa i drugih akata Općinskog vijeća,
- f) kompletiranje materijala i vršenje drugih organizacijskih i tehničkih poslova vezanih za održavanje sjednica Općinskog vijeća,
- g) redakcijske poslove vezane za izdavanje „Službenog glasnika Općine Velika Kladuša“,
- h) administrativne poslove za potrebe rada komisija i radnih tijela Općinskog vijeća,
- i) obradu i kontrolu podataka za potrebe Općinskog vijeća,
- j) nabavku, čuvanje i zaduživanje opremom, inventarom i potrošnim materijalom,
- k) vođenje zapisnika sa sjednica Općinskog vijeća i njegovih radnih tijela,

- l) evidentiranje i sređivanje arhivske građe koja se odnosi na rad Općinskog vijeća,
- m) prijem i otpremanje pošte iz djelokruga rada Općinskog vijeća i drugi poslovi u nadležnosti Općinskog vijeća i radnih tijela Općinskog vijeća.

(2) U okviru djelokruga, Stručna služba pruža: stručnu pomoć vijećnicima u njihovom radu u Općinskom vijeću i radnim tijelima Općinskog vijeća, daje upute i informacije, te osigurava i druge uvjete za što bolji i učinkovitiji rad vijećnika u Općinskom vijeću i radnim tijelima Općinskog vijeća.

III RUKOVOĐENJE STRUČNOM SLUŽBOM

Član 4.

- (1) Stručnom službom rukovodi Sekretar Općinskog vijeća (u daljem tekstu: sekretar), u skladu sa zakonom i Statutom Općine Velika Kladuša, Poslovníkom Općinskog vijeća, te drugim propisima koji regulišu ovu oblast.
- (2) Sekretar je državni službenik i za svoj rad i rad Službe kojom rukovodi odgovoran je Općinskom vijeću i predsjedavajućem Općinskog vijeća.
- (3) Sekretar se postavlja i razrješava u skladu sa Zakonom o državnim službenicima i namještenicima u organu državne službe Unsko-sanskog kantona.
- (4) U slučaju spriječenosti ili odsutnosti Sekretara zamjenjuje ga državni službenik kojeg u skladu sa zakonom odredi Općinsko vijeće.

IV - UNUTRAŠNJA ORGANIZACIJA STRUČNE SLUŽBE

Član 5.

- (1) Unutarnja organizacija Stručne službe utvrđuje se Pravilnikom o unutrašnjoj organizaciji (u daljem tekstu: Pravilnik) kojeg donosi Općinsko vijeće.
- (2) Pravilnikom, utvrđuju se: poslovi koje obavljaju uposlenici Stručne službe, upravljanje radom Stručne službe, programiranje i izvršavanje poslova, ovlasti i odgovornosti službenika u izvršavanju poslova, ukupan broj uposlenika te posebni uvjeti za rad na određenim poslovima.

Član 6.

Na uposlenike Stručne službe primjenjuje se Zakon o državnoj službi i drugi propisi koji reguliraju radne odnose

Član 7.

Sredstva za rad Stručne službe osiguravaju se u budžetu Općine Velika Kladuša u okviru sredstava za rad Općinskog vijeća.

V - PRELAZNE I ZAVRŠNE ODREDBE

Član 8.

Sve materijalno-računovodstvene, opće, zajedničke i druge poslove koji nisu regulisani ovom Odlukom, za potrebe Općinskog vijeća, radnih tijela Općinskog vijeća i Stručne službe obavljat će nadležne službe Jedinog općinskog organa uprave Općine Velika Kladuša.

Član 9.

Status državnih službenika i namještenika koji su do stupanja na snagu ove odluke obavljali poslove i zadatke za potrebe općinske službe za stručne poslove Općinskog vijeća u Jedinom općinskom organu uprave Općine Velika Kladuša regulisat će se u skladu sa Zakonom.

Član 10.

Ova Odluka stupa na snagu danom donošenja a objavit će se u „Službenom glasniku Općine Velika Kladuša“.

PREDLAGAČ:
Kolegij Općinskog vijeća

Obrazloženje;

I - PRAVNI OSNOV:

Materijalno pravni osnov za donošenje Odluke o osnivanju Stručne službe za poslove Općinskog vijeća Općine Velika Kladuša sadržan je u odredbama člana 49. Zakona o organizaciji organa uprave u Federaciji BiH („Službene novine Federacije BiH“ broj: 35/05) kojim se u stavu 4. propisuje „Općinski organi uprave i općinske upravne organizacije osnivaju se i ukidaju i njihov djelokrug utvrđuje odlukom općinskog vijeća o organizaciji i djelokrugu općinskih organa uprave i upravnih organizacija u skladu sa ovim Zakonom i odgovarajućim zakonom kantona“, članu 39. Statuta Općine Velika Kladuša „Službeni glasnik Općine Velika Kladuša“. broj 12/11) koji propisuje „Općinsko vijeće osniva Stručnu službu Općinskog vijeća za obavljanje stručnih, administrativnih, tehničkih i drugih poslova u vezi sa radom Općinskog vijeća. Stručnom službom rukovodi sekretar Općinskog vijeća. Sekretar Općinskog vijeća je državni službenik kojega u skladu sa zakonom postavlja Općinsko vijeće, a za svoj rad i rad Stručne službe Općinskog vijeća odgovoran je Općinskom vijeću. Unutrašnja organizacija i način rada Stručne službe Općinskog vijeća uređuje se Odlukom o osnivanju i Pravilnikom o unutrašnjoj organizaciji i sistematizaciji“ Unutarnja organizacija i način rada općinskog vijeća uređuje se poslovnikom. Poslovnik se donosi većinom glasova izabranih općinskih vijećnika.

II- RAZLOZI DONOŠENJA:

Općinsko vijeće je predstavničko tijelo koje mora biti neovisno u obavljanju svojih poslova koji su mu propisani Ustavom, Zakonom, Statutom Općine Velika Kladuša i Poslovníkom Općinskog vijeća. Općinskom vijeću Općine Velika Kladuša već punih pet mjeseci uskraćene su usluge stručnog savjetnika za normativne poslove kao i zapisničara Općinskog vijeća kojim nepostojanja iz razloga jer je Općinsko načelnik, u svojstvu rukovodioca istim zabranio saradnju sa Općinskim vijećem i predsjedavajućom Općinskog vijeća te na taj način Općinski načelnik direktno opstruira rad Općinskog vijeća kao predstavničkog tijela. Kako Zakon i Statut propisuju a kako više ne bi dolazilo da uplitanja izvršne vlasti, odnosno Općinskog načelnika u nadležnosti predstavničke vlasti, odnosno Općinskog vijeća neophodno je formirati Službu za poslove Općinskog vijeća koja bi bila odgovorna Općinskom vijeću i predsjedavajućem Općinskog vijeća.

Dodatni razlog za donošenje Odluke je donošenje zakonskih propisa koji reguliraju oblast uprave, a posebno donošenje Zakona o organizaciji uprave Federacije BiH i Zakona o državnoj službi u F BiH i obvezu usklađivanja podzakonskih akata sa istim.

Pošto su ispunjeni zakonski uvjeti za donošenje ove Odluke, predlaže se Općinskom vijeću usvajanje iste, kao što je predloženo u tekstu.